



SIARAN MEDIA

ARAHAN PELAKSANAAN PERINTAH KAWALAN PERGERAKAN 18 HINGGA 31 MAC 2020

'PASAR RAYA DAN KEDAI RUNCIT GAGAL KAWAL PENGUNJUNG'

1. Hasil pemeriksaan di beberapa kawasan melibatkan pasaraya dan kedai runcit di sekitar Selayang semalam, orang ramai dilihat masih berkerumun dan berkumpul di ruang kedai tanpa mengamalkan jarak selamat 1 meter seperti yang disarankan oleh Kementerian Kesihatan Malaysia. Keadaan yang sama turut dapat dilihat di kawasan-kawasan luar bangunan pasar awam apabila pengunjung dilihat terus berkumpul dan tidak terus beredar dari kawasan selepas selesai melakukan pembelian.
2. Anggota MPS telah memberikan amaran lisan kepada pemilik pasar raya dan kedai runcit yang terlibat untuk memastikan agar kawalan pengunjung diberi perhatian yang lebih serius kepada situasi ini atau tindakan notis amaran akan diberikan kepada mereka. Anggota keselamatan MPS juga turut membuat pengumuman kepada orang awam untuk segera bersurai setelah selesai membuat pembelian.
3. Pada operasi Pemantauan Perintah Kawalan Pergerakan (PKP) yang masuk hari kesembilan oleh MPS, kawalan telah diteruskan terutama di seluruh pasar-pasar awam seluruh Selayang melibatkan 60 orang anggota dari Jabatan Penguatkuasa dan Keselamatan, Jabatan Pelesenan dan Jabatan Sisa Pepejal dan Kesihatan MPS. Untuk makluman, sehingga 26 Mac 2020, pemeriksaan telah dilakukan ke atas 1091 premis perniagaan dan gerai penjaja di mana 24 telah diarahkan tutup, 250 diberikan notis amaran dan 470 telah diberikan amaran lisan.
4. MPS sekali lagi ingin memberi amaran terutama kepada pemilik pasar raya dan kedai runcit di seluruh Selayang untuk memastikan kawalan yang lebih ketat terutama dari segi jarak sosial dan kebersihan dilaksanakan. Para pemilik premis yang menjalankan perniagaan selain dari yang dibenarkan oleh kerajaan dan penjaja juga perlu menutup perniagaan mereka atau bakal berhadapan tindakan dari MPS.
5. Untuk sebarang pertanyaan ataupun aduan, orang ramai boleh menghubungi talian Bilik Gerakan Khas MPS yang akan beroperasi pada Isnin hingga Jumaat, Jam 8 pagi hingga 5 petang di hotline 03-61389898 atau talian bebas tol di 1800-222-677. Orang ramai juga boleh merujuk laman sosial MPS untuk sebarang pengumuman terkini berkaitan MPS.

Dikeluarkan Oleh:

Yang Dipertua
Majlis Perbandaran Selayang

9.15 AM
27 Mac 2020